



REPUBLIKA E SHQIPËRISË  
ENTI RREGULLATOR I ENERGJISË  
BORDI

VENDIM

Nr. 30, Datë 16.02.2023

MBI

**MIRATIMIN E AMENDIMIT NR. 1 TË KONTRATËS PËR SHITBLERJEN E  
ENERGJISË ELEKTRIKE PËR MBULIMIN E HUMBJEVE NË SISTEMIN E  
TRANSMETIMIT NDËRMJET OPERATORIT TË SISTEMIT TË TRANSMETIMIT  
OST SH.A. DHE KESH SH.A.**

Në zbatim të neneve 16, 20 gërma “h”, 47, 56 gërma “f”, si dhe 90 të ligjit nr. 43/2015 “Për sektorin e energjisë elektrike”, i ndryshuar; Pjesës I, nenit 4, pikës 7 të Vendimit të Këshillit të Ministrave (VKM) nr. 456, datë 29.06.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”; VKM-së 650, datë 10.10.2022, “Për disa shtesa dhe ndryshime në VKM-në nr. 584, datë 08.10.2021 “Për shpalljen e gjendjes së emergjencës në furnizimin me energji elektrike”; si dhe nenit 15 të “Rregullores për organizimin, funksionimin dhe procedurat e ERE-s”, miratuar me vendimin e bordit të ERE-s nr. 96, datë 17.06.2016; Bordi i ERE-s, në mbledhjen e tij të datës 16.02.2023, pasi shqyrtoi relacionin me nr. 420/1 prot., datë 14.02.2023, të përgatitur nga Drejtoritë Teknike “Mbi amendimin e kontratës për shit blerjen e energjisë elektrike për mbulimin e humbjeve në sistemin e transmetimit ndërmjet OST sh.a. dhe KESH sh.a.”,

**Konstatohet se:**

- Bordi i ERE-s me vendimin nr. 230, datë 12.09.2022 miratoi kontratën e shit-blerjes së energjisë elektrike ndërmjet KESH sh.a. dhe OST sh.a. për mbulimin e humbjeve në sistemin e transmetimit për periudhën 02.07.2022 deri më 31.12.2022. Kontrata e miratuar nga ERE i ka shtrirë efektet juridike nga 02.07.2022 deri më 31.12.2022.
- Palët kanë shprehur vullnetin e tyre për amendimin e kontratës duke e nënshkruar bashkërisht atë, për ndryshimin e kohëzgjatjes së kontratës, dhe shtrirjen e efekteve të saj deri më datë 30.06.2023, duke përcjellë kontratën në ERE me shkresë të përbashkët ndërmjet KESH sh.a. dhe OST sh.a., me nr. 420 prot. të ERE, datë 20.01.2023 “Për amendimin e kontratës “Për shitblerjen e energjisë elektrike për mbulimin e humbjeve në sistemin e transmetimit”, të miratuar dhe nënshkruar ndërmjet palëve OST sh.a dhe KESH sh.a.

- Ndryshimi i kohëzgjatjes së kontratës, vjen si pasojë e zgjatjes së periudhës së gjendjes së emergjencës në furnizimin me energji elektrike deri më datën 30.06.2023, sikurse shprehur në VKM-në nr. 650, datë 10.10.2022 “Për disa shtesa dhe ndryshime në VKM-në nr. 584, datë 08.10.2021, “Për shpalljen e gjendjes së emergjencës në furnizimin me energji elektrike (të ndryshuar)”.
- VKM nr. 650, datë 10.10.2022, “Për disa shtesa dhe ndryshime në VKM-në nr. 584, datë 08.10.2021 “Për shpalljen e gjendjes së emergjencës në furnizimin me energji elektrike”, e ndryshuar, në pikën 2 përcakton se në pikën 5 fjalët “*deri në 31 dhjetor 2022*” zëvendësohen me fjalët “*30 qershor 2023*”.

Për gjithë sa më sipër, bordi i ERE-s,

**Vendosi:**

1. Miratimin e Amendimit nr. 1 të kontratës për shitblerjen e energjisë elektrike për për mbulimin e humbjeve në sistemin e transmetimit ndërmjet Operatorit të Sistemit të Transmetimit OST sh.a. dhe KESH sh.a. (Amendimi bashkëlidhur këtij vendimi).
2. Drejtoria Juridike dhe e Zgjidhjes së Mosmarrëveshjeve, të njoftojë, Ministrinë e Infrastrukturës dhe Energjisë, shoqëritë KESH sh.a. dhe OST sh.a. për vendimin e bordit të ERE.

Ky vendim hyn në fuqi menjëherë dhe i shtrin efektet nga data 01.01.2023 deri më 30.06.2023.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

**KRYETARI**  
**Petrit AHMETI**



Operatori i Sistemit të Transmetimit



Nr. 170 prot. Tiranë, më 11.01.2023

Nr. 321 prot. Tiranë, më 17.01.2023

AMENDIMI NR.1

I

KONTRATËS

PËR

SHITBLERJEN E ENERJISË ELEKTRIKE PËR MBULIMIN E

HUMBJEVE

NË SISTEMIN E TRANSMETIMIT

ndërmjet

OPERATORIT TË SISTEMIT TË TRANSMETIMIT

OST SHA

DHE

KESH SHA

Sot në datë \_\_. \_\_. 2023, duke u mbështetur në vullnetin e lirë të:

- (1) **Korporatës Elektroenergjitike Shqiptare, KESH SHA.**, shoqëri aksionare, regjistruar si person juridik me Vendimin Nr.12728, datë 06.11.1995 të Gjykatës së Rrethit Gjyqësor Tiranë, me seli në: Bllokun “Vasil Shanto”, Tiranë, Shqipëri, me nr. NIPT-i J61817005F, e përfaqësuar nga Z. Ergys Verdho, Administrator i Shoqërisë KESH SHA., që më poshtë do të quhet “Shitësi”,

dhe

- (2) **Operatori i Sistemit të Transmetimit**, (më poshtë referuar si OST SHA.), shoqëri aksionare, regjistruar si person juridik me Vendimin Nr. 31935, dt. 14.07.2004, të Gjykatës së Rrethit Gjyqësor Tiranë, me adresë: Tiranë Kashar, Yrshek, autostrada Tiranë-Durrës, km 9, Tiranë, Shqipëri, me NIPT Nr. K42101801N, përfaqësuar nga **Z.Skerdi Drenova, Administratori i OST SHA.**,

#### Baza ligjore:

- a) Ligji Nr. 43/2015, date 30.04.2015 “Për sektorin e energjisë elektrike”, i ndryshuar;
- b) VKM Nr. 456, datë 29.6.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licensuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”;
- c) VKM Nr. 584 datë 08.10.2021 “Për shpalljen e gjendjes së emergjences në furnizimin me energji elektrike” (i ndryshuar);
- d) Rregullat e Përkohëshme të Tregut Shqiptar të Energjisë Elektrike, miratuar me Vendimin e ERE Nr.139/2016, i ndryshuar;
- e) Kodi i Transmetimit, miratuar me Vendimin e ERE Nr. 63 dt.11.04.2022;
- f) Vendimi i ERE Nr. 99, datë 17.06.2016, “Mbi miratimin e Licensës së Prodhimit të Energjisë Elektrike”;
- g) Vendimi i ERE Nr. 134, dt. 06/09/2017 “Mbi liçensimin e shoqërisë Operatori i Sistemit të Transmetimit OST-sh.a. në aktivitetin e operimit të sistemit të transmetimit të energjisë elektrike”;
- h) Vendimi i ERE Nr. 253, datë 21.12.2021 “Mbi çmimin vjetor të blerjes së energjisë elektrike që do t’u paguhet prodhuesve ekzistues me përparësi për vitin 2022”
- i) Kontrata “Për shitblerjen e energjisë elektrike për mbulimin e humbjeve në Sistemin e Transmetimit” nr.4670/1 prot., të OST SHA, datë 27.07.2022 dhe nr.3635/2 prot., të KESH SHA

Ndërsa, midis OST SHA., dhe KESH SHA është lidhur Kontrata “Për shitblerjen e energjisë elektrike për mbulimin e humbjeve në Sistemin e Transmetimit” nr.4670/1 prot., të OST SHA, datë 27.07.2022 dhe nr.3635/2 prot., të KESH SHA; e cila është miratuar nga ERE me Vendimin nr. 230, datë 12.09.2022;



Ndërsa, VKM Nr. 456, datë 29.6.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, në nenin 4, pika 7 e Pjesës I, përcakton se: “Ky vendim është i zbatueshëm edhe për përballimin e situatës së gjendjes së emergjencës në furnizimin me energji elektrike, sipas nenit 90 të ligjit nr. 43/2015, “Për sektorin e energjisë elektrike” të ndryshuar; si dhe nenin 13 “Gjendja e emergjencës në furnizim”, përcakton se “Gjatë periudhës së gjendjes së emergjencës në furnizim, shoqëria publike e prodhimit, e ngarkuar me detyrimin e shërbimit publik, furnizon Operatorin e Sistemit të Transmetimit me të gjithë sasinë e nevojshme, për mbulimin e humbjeve, me çmimin e blerjes së energjisë nga prodhuesit me përparësi hidrike. Kontrata ndërmjet shoqërisë publike të prodhimit dhe Operatorit të Sistemit të Transmetimit, negociohet nga palët dhe miratohet nga ERE.”

Ndërsa, VKM nr. 650, datë 10.10.2022 “Për disa shtesa dhe ndryshime në VKM nr. 584, datë 08.10.2021, “Për shpalljen e gjendjes së emergjencës në furnizimin me energji elektrike (të ndryshuar)”, në pikën 2, përcakton se “Në pikën 5, fjalët “... 31 dhjetor 2022.” zëvendësohen me “... 30 qershor 2023.”.

Si dhe, Kontrata “Për shitblerjen e energjisë elektrike për mbulimin e humbjeve në Sistemin e Transmetimit” nr.4670/1 prot., të OST SHA, datë 27.07.2022 dhe nr.3635/2 prot., të KESH SHA, datë 03.08.2022, neni 17 “Të ndryshme”, pika 2 parashikon se: “Çdo amendim ose shtesë në këtë Kontratë do të bëhet vetëm me shkrim dhe do të nënshkruhet nga të dyja Palët”; dhe neni 18 “Miratimi i ERE-s, hyrja në fuqi, efektet dhe zgjidhja e parakohshme”, pika 2 parashikon se: “Kjo kontratë mund të ndryshohet apo zgjidhet përpara datës së përfundimit të saj, vetëm me miratimin e ERE”.

Palët bien dakord lidhur me përmbajtjen e Amendimit Nr.1 të Kontratës “Për shitblerjen e energjisë elektrike për mbulimin e humbjeve në Sistemin e Transmetimit” nr.4670/1 prot., të OST SHA, datë 27.07.2022 dhe nr.3635/2 prot., të KESH SHA, datë 03.08.2022, si më poshtë vijon:

#### Neni 1

Neni 18 “Miratimi i ERE-s, hyrja në fuqi, efektet dhe zgjidhja e parakohshme” e kontratës “Për shitblerjen e energjisë elektrike për mbulimin e humbjeve në Sistemin e Transmetimit” nr.4670/1 prot., të OST SHA, datë 27.07.2022 dhe nr.3635/2 prot., të KESH SHA, datë 03.08.2022, pika 1 ndryshon si më poshtë vijon:

1. Kjo Kontratë, dhe secili nga kushtet këtu, do të hyjnë në fuqi pas miratimit nga Bordi i ERE dhe i shtrinë efektet për periudhën 01.01.2023 - 30.06.2023.

#### Neni 2

Të gjithë nenet e tjera të kontratës “Për shitblerjen e energjisë elektrike për mbulimin e humbjeve në Sistemin e Transmetimit” nr.4670/1 prot., të OST SHA, datë 27.07.2022 dhe nr.3635/2 prot., të KESH SHA, datë 03.08.2022, ngelen të pandryshuara.

### Neni 3

Ky Amendament Nr.1 i kontratës “Për shitblerjen e energjisë elektrike për mbulimin e humbjeve në Sistemin e Transmetimit”, nënshkruhet në 4 (katër) kopje të barazvlefshme, 2 (dy) për secilën palë.

Për  
KORPORATËN  
ELEKTROENERGJITIKE  
SHQIPTARE, KESH SH.A.  
ADMINISTRATORI  
Ergys VERDHO  
YLL  
ZVETARE  
KESH  
TIRANË  
ENERGJIA E SHQIPËRISË

Për  
OPERATORI I SISTEMIT TË  
TRANSMETIMIT,  
OST SH.A.  
ADMINISTRATORI  
Skerdi DRENOVA  
OPERATORI  
I SISTEMIT TË  
TRANSMETIMIT